

國家圖書館分館編

清代孤本方志選

(第一輯第二十二冊) 江西

峽江縣志〔康熙〕九卷

吉安府龍泉縣重修縣志〔康熙〕十卷

重修峽江縣志序

今夫揆事斬師諸古鑒憲必於其成
師古則宜適憲成則失鮮立今循往
諠來準今於以化民成俗優如也往
者丙午春

叅憲施公

太守王公嘉惠臨陽下檄於縣索方
書以成郡志因徵諸生搜訂及暮而
書乃成焉志始於維揚何公公以別
駕署峽惘茲瘠疲懼來者之無述卽
淦志彙分爰成是書用脩故實夫峽
舊隸淦當其未南縣時理學文章之

彥忠節貞烈之稱係淦籍者皆峽產也而峽志九卷農政田賦兩志序贊所及一篇之中數致意焉竊謂禹志貢賦下下上上度地衡宜峽於壤稱下下而賦居上上明代嘉萬之初猶稱昇平而何公之序洎賀君逢舜之

揭痛切之言先後乃如一轍蓋江國
幅幘中困罷未有如峽者也入

國朝二十餘季矣由今歷季遡嘉靖五

季又由嘉靖五季遡洪武隸淦之初

季衰盛損益管今異致顧烟銷且盡

纂修俟諸河清卽欲協宜鮮失奚由

乎父老有言嘉靖己未之志荒畧若
減崇禎庚午之修既信且半今有起
而訂以正者乎無論正焉否也而紀
所已脩增所未有覽山川知人物之
靈披土田見風俗之宜非是志也
以爲功余吏治鞅掌既快繕寫以應

使命今茲公餘因進劄劄授之以
古事所仕成憲是程將罔文化成
郡國而天下宜民善俗美哉一邑
之余也不佞藉用傳述於來茲矣
不辭而引其端

康熙己酉季夏月旦二韓佟國才

峽江縣志序

先賢修郡縣志非守令之久於其任故練而學優者
易辦未聞以權署不常之官乃能專意以圖其成
而遷播歷而卒也乃謁文之介主再四不已此其心
誠哉無非恐人寤慎法守備故實著盛戒使後之
來者得遵厥章而潤澤之斯民不永有賴乎予觀峽
江志諸款作者之不苟也夫行有不得而皆反求諸
己此志外傳心之要也而峽志於論贊每致意焉峽
江分縣未久也無志宜也有之自署某何君始何君
以通判署峽凡三承委委不過數月而代乘承無據

是易爲奸於是屬諸生卽臨淦志而彙分之以成
 邑之書其事其文則皆臨淦之舊而其義之見諸論
 贊者則何自取之要皆反求諸己以告新令之意不
 剪剪於其舊而於峽有大造焉予固歎其作之不有
 也郡倅姓何諱堅號石菴直隸之維揚人文章政事
 綽有時名間以公委至吾豐造予問學因出
 予予固取其義之精者序之蓋淦有盡而無窮也
 噫世之以過客自待以傳舍視郡縣者宜於其無所
 取也

嘉靖己未歲孟冬之吉

進士第榮祿大夫太子太保兵部尚書吉永豐雙
江轟豹譏

峽江縣志序

峽故隸淦然與吉隣壤語言食味室廬衣服之尚婚
姻交好里巷什伍之習山川土疆穀果竹木之宜皆
無所辨獨限以峻嶺而已自其未有邑時地遠於淦
而比於吉吉恒以境內視之不知峻嶺之限也峽既
遠淦其徭稅之徵發期會之呼召爭訟之逮按時有
不及於是始議分邑以蒞之邑分至今未三紀官府
之事程文物日益美盛然民之習尚與其土產漸耗

數矣夫淫以分峽公三之一謂淫有損宜也峽乃坐
觀其數何耶論者以爲山川之氣不洩於物則凝聚
而鍾於人急者必有異材挺生鳴國家之盛而以其
色澤於天下者乎是亦勢之低昂矣維揚何君堅爲
編在廣爲而承徵署峽者凡三至既周知其山川習
見乎膏之異取積滯之大甚者而振刷之又懼其太
近反故實不傳來者無所於稽以爲節縮濫汰之據
亦不其以起其敝也後輯省郡淫志與諸狀牒舊移
其有殘於咨詔者命諸生某某類集而手自較論以
其志與圖九志六編平一傳二紀

一此尤難和傳之密旨也石菴盟
焉乃知石菴子之政得人心
心也自有千百世之心者一
邑者思其政則思其心
之澤庶其流于千百世
嘉靖己未秋七月廿五日係姚緒山居士錢德洪書
於玄潭觀之雪浪閣

書峽江新志

峽江新志作於郡侯石菴何公公以別駕佐郡已爲
要劇兼之視篆署邑督運須材王事總總勤勞於職

事之外者歲無虛日而顧尚有餘力以及此耶且今
之郡邑之吏辦簿書者於文墨則不暇究纂纂述者
率不過假手於人而於制作之體要罔所取裁若公
豈不烈然偉哉公於政事旣敏且詳而是書之作稽
綜論次盡出一人之手及考其體裁之損益規度之
條畫則又典則秩然來者可述夫志之言史也自非
公之史才與吏能等其足以有此乎其足以有此乎
雖然是非公之心也公之心切於民焉爾公兩署吾
邑邑之利弊興革凡所以爲休戚計者已不遺餘力
而懼夫志之罔終澤之弗流也故於是書乎寄之公

之心其不得已哉

嘉靖己未春前進士翰林檢討貴州按察司副使邑人張緒書

峽江縣志序

古之學者爲己仕者爲人故上有實政下有實惠此義不明學以爲名仕以爲利岐家國爲兩途治之千古無惑也我國家創制郡縣縣令缺往往以郡佐署之其間人品不同久暫不一曠達者乘時以自便矜持者附遠以避嫌失則戾矣夫士君子志在天下四海皆分內也況邑民則郡民乎闕中何公佐臨凡

三教而後決其端誠盡力約已便民每以土瘠民貧
為暇時與士大夫父老講求其故苦於考信之無據
且懼來者之無所述焉喟然歎曰古之君子治官事
如家事田舍翁經營貨產僅立門戶必且修之譜系
載之簿籍以垂諸子孫得非欲其守而勿失乎其
情親而具慮周也嗟自淦分三小條季矣志尚未脩
官無所考據民無所持循人心無所於勸懲襲訛踵
謬舉一廢百固其所矣夏曆禹良庠作職方豈直水
土疆理之書而已哉意者聖人之心淦在茲矣乃萃
第諸生於練公祠示景仰也鄉原委剔幽隱校摩典

故排羣言而不疑閱三月而志成首以疆域志士俗也次鄉圖示經界也詳縣治而必古蹟志存舊也里山川志文物之所本建置沿革志典章之所自治民莫先於典神故以祠廟次之王道莫大於養人故以田賦農政次之秩官編年志吏治也人物選舉志風節也虛心以待天下故以傳疑終焉士俗辨而民有定業矣經界正往蹟存而民有定守矣地理敷而山川莫矣建置脩而經綸著矣典明而人心正矣養道脩而人生厚矣吏治肅而勸戒顯矣風節著而教化崇矣嗣是而有志於著述者於傳疑之紀而得